

UGOVOR O NABAVCI USLUGA

Zaključen dana, 30. 10. 2015. godine između:

1. Ministarstva za građenje, prostorno uređenje i zaštitu okoliša Unsko-sanskog kantona, zastupanog po ministru Tahiru Nuhiću iz Bihaća, Ul. Alije Đerzeleza br. 6, (dalje: Ministarstvo) i
2. ZEOS eko-sistem, d.o.o. Društvo za postupanje otpadnom električnom i elektronskom opremom, zastupanog po direktoru Emilu Šehiću iz Ilidže – Sarajevo, Ul. Karima Zaimovića br. 18, (dalje: Nosilac projekta)

Član 1.

PREDMET UGOVORA I ROKOVI

Predmet Ugovora je realizacija projekta "EE - Transformator" shodno dostavljenoj ponudi broj: 84/15 od 28. 10. 2015. godine koji će Nosilac projekta implementirati zajedno sa Ministarstvom. Rok implementacije projekta je period oktobar - decembar 2015. godine.

Član 2.

CIJENA UGOVORA

Ministarstvo se obavezuje da će Nosiocu projekta pružiti finansijsku pomoć u realizaciji projekta iz tačke 1. u iznosu od 5.983,00 KM bez PDV-a, odnosno iznos od 7.000,00 KM sa PDV-om.

Član 3.

Sredstva iz člana 2. ovog Ugovora dodjeljuju se nepovratno. Odobrena sredstva prebacit će se do 30 dana nakon potpisivanja Ugovora na transakcijski račun Nosioca projekta broj:1322602011691367 otvoren kod NLB Banka d.d. Tuzla.

Član 4.

OBAVEZE NOSIOCA PROJEKTA

Nosilac projekta obavezuje se da:

- projekat implementira u roku i u skladu sa ponudom navedenom u Članu 1. Ugovora,
- u toku realizacije projekta logo Ministarstva ističe kao partnera projekta,
- u svim javnim nastupima i publikacijama koji se odnose na implementaciju projekta ističe da projekat sufinansira Ministarstvo,
- omogućiti Ministarstvu da učestvuje u kreiranju projektnih aktivnosti,
- kod eventualnih izmjena projektnih aktivnosti konsultuje se sa Ministarstvom.

Član 5.

Nosilac projekta se obavezuje osigurati adekvatan nadzor nad izvođenjem projekta, omogućiti aktivno praćenje implementacije projekta u svako doba po najavi predstavnika Ministarstva, što podrazumijeva posjetu na licu mjesta u vezi sa projektnom aktivnošću, a Ministarstvo zadržava pravo i drugih oblika nadzora nad izvršenjem navedenog projekta, u skladu sa odredbama Pravilnika o procedurama za vršenje nadzora nad korištenjem namjenskih prihoda Ministarstva za građenje, prostorno uređenje i zaštitu okoliša.

Svako nenamjensko trošenje sredstava povlači raskid Ugovora, uskraćivanje dalje financijske podrške i povrat dodijeljenih sredstava u skladu sa aktima Ministarstva.

Član 6.

Nosilac projekta dužan je nakon realizacije projekta za koji su dodijeljena sredstva u roku od 15 dana o tome izvijestiti Ministarstvo u pisanoj formi i dostaviti dokumentaciju potrebnu za pravdanje utroška dodijeljenih sredstava: kopiju ugovora o financiranju projekta, izvještaj o implementaciji projekta, kopije fakture iz kojih je vidljiva svrha utroška sredstava koja mora biti usklađena sa budžetom odobrenog projekta, dokaz da su robe i usluge nabavljene u skladu sa Zakonom o javnim nabavkama BiH, kopija dokaza da su obaveze prema dobavljačima u potpunosti izmirene i drugu relevantnu dokumentaciju na zahtjev Ministarstva.

Član 7.

ZAVRŠNE ODREDBE

Sve eventualne sporove proizašle iz ovog Ugovora, ugovorne strane će regulisati sporazumno.

U slučaju nemogućnosti postizanja sporazuma, svi sporovi između ugovornih strana koji nastanu u vezi sa Ugovorom rješavat će se pred nadležnim sudom u Bihaću.

Član 8.

Ovaj Ugovor stupa na snagu nakon što bude potpisan od Ugovornih strana. Ugovor je sastavljen u 4 (četiri) originalna primjerka, od kojih svaka ugovorna strana zadržava po 2 (dva) primjerka.



ZEOS eko-sistem d.o.o.

Emil Šehić
direktor

Broj:

Datum:

UG/694-15
13.11.2015 godine



Ministarstvo za građenje, prostorno
uređenje i zaštitu okoliša

Tahir Nuhić
ministar

Broj:

Datum: 30. 10. 2015. godine